


證治準繩

外科 卷之六上

漢書門			
一	二	三	四
八	一〇	八	
冊	架	函	號

內閣文庫			
三	二	三	漢
〇	〇	〇	書
函	冊	號	類

內閣文庫			
番號	漢	12548	
冊數	80 (32)		
函號	301	61	



傷科證治準繩卷之六

金壇王肯堂輯 新安門人閔承詔校

跌撲傷損

金瘡 杖瘡

竹木刺針入肉

箭頭入骨

瘀血 停積

素問云 人有所墜墮惡血留內腹中滿脹不得前後

先飲利藥此上傷厥陰之脉下傷少陰之絡刺足內

踝之前然骨之前血脉出血刺足跗上動脉不已刺

三毛上各一痛見血則已左刺右右刺左善悲驚不

樂刺如右方 繆刺 論 靈樞云有所墜墮惡血留內有

所大怒氣上而不行下積於脇下則傷肝又中風及

有所擊仆若醉入房汗出當風則傷脾又頭痛不可

取於腠者有所擊墮惡血在內若肉傷痛未已可側刺不可遠取之也邪氣臟腑及厥病篇

東垣醫學發明論曰夫從高墜下惡血留於內不分十二經絡醫人俱作中風肝經留於脇下以中風療之血者皆肝之所主惡血必歸於肝不問何經之傷必留於脇下蓋肝主血故也痛甚則必有自汗但人人有汗出皆屬風證諸風皆屬於肝木况敗血凝泣逆其所屬入於肝也從高墜下逆其上行之血氣非肝而何非傷寒無汗既曰汗必自風化之也故以破血行經藥治之

亡血過多

靈樞又云身有所傷血出多反中風寒若有所墜墮四肢懈惰不收名曰體惰取小腹臍下三結交陽明太陰也臍下三寸關元也寒熱篇○三結交者即關元穴是也

劉宗厚曰打撲金刃損傷是不因氣動而病生於外外受有形之物所傷乃血肉筋骨受病非如六淫七情為病有在氣在血之分也所以損傷一證專從血論但須分其有瘀血停積而亡血過多之證蓋打撲墜墮皮不破而內損者必有瘀血若金刃傷皮出血或致亡血過多二者不可同法而治有瘀血者宜攻利之若亡血者無補而行之又察

其所傷有上下輕重淺深之異經絡氣血多少之殊唯宜先逐瘀血通經絡和血止痛然後調氣養血補益胃氣無不効也頃見圍城中軍士被傷不問頭面手足曾背輕重醫者例以大黃等藥利之後大黃缺少甚者遂以巴豆代之以爲不於初時瀉去毒氣後則多致危殆至於畧傷手指亦悉以藥利之殊不知大黃之藥惟與有瘀血者相宜其有亡血過多元氣胃氣虛弱之人不可服也其巴豆大熱有毒止能破堅逐積用於此疾尤非切當所以有服下藥過後其脉愈見堅大醫者不察又

以爲瘀血未盡而必下之因而夭折人命可不慎歟

脈法

內經云肝脉搏堅而長色不青當病墮若搏因血在脇下令人嘔逆 脉經云從高顛仆內有血腹脹滿其脉堅强者生小弱者歿

金匱云寸口脉浮微而澀然當亡血若汗出

者其身有瘡被刀斧所傷亡血故也 脉經云金瘡出血血出太多其脉虛細者生數實大者歿 金瘡出血脉沉小者生浮大者歿 砍瘡出血一二石脉來大者二十日歿 砍刺出血不止者其脉止脉來大者

此持傷損 外科 三
七日歿滑細者生

右破傷之脉若瘀血

虛實則生虛細澀

則歿若亡血過多者

強實則歿皆

為脉病不相应故也

治法

戴院使云仆路不知曰擗兩手相搏曰撲其為損一

也因擗撲而迷悶者酒調蘇合香丸灌之因擗撲而

損傷宜逐其惡血酒煎蘇木調蘇合香丸或雞鳴散

或和氣飲加大黃入醋少許煎或童便調黑神散不

用童便用蘇木煎酒調亦得擗撲傷疼酒調琥珀散

藥順氣散亦可

大法固以血之瘀失分虛實而為補瀉亦當看損傷

之輕重輕者頓挫氣血凝滯作痛此當導氣行血而

已重者傷筋折骨此當續筋接骨非調治三四月不

得平復更甚者氣血內停沮塞真氣不得行者必歿

急瀉其血通其氣亦或有可治者焉 傷損論曰夫

傷損必須求其源看其病之輕重審其損之淺深凡

人一身之間自頂至足有斫傷打傷跌傷及諸办傷

者皆有之凡此數證各有其說有當先表裏而後服

損藥者為醫者當循其理治之然醫者意也不知意

者非良醫也或者稟性愚昧不能觀其證之輕重明

失其易員

外科

四

其損之淺深未經表裏通利先服損藥誤人多矣有
 因此痰涎上攻有因此大小臟腑閉結差之毫釐繆
 以千里所謂醫不三世不服其藥信哉 此論治損
 傷之大綱也然用藥固不可差而整頓手法尤不可
 孟浪今以人之周身總三百六十五骨節開列於後
 人身總有三百六十五骨節以一百六十五字都關
 次之首自鈴骨之士為頭左右前後至轅骨以四十
 九字共關七十二骨巔中為都顛骨者一有勢微有
 次顛為體骨者一有勢微體前為頂威骨者一微有
 人無體後為腦骨者一有勢微腦左為枕骨者一有勢
 此骨

枕就之中附下為天盖骨者一下為肺盖骨之後
 為天柱骨者一下屬脊盖前為言骨者一言上復合
勢無言下為舌本骨者左右共二有勢體前為顛骨
 者一無勢顛下為伏委骨者一俚人訛為伏犀伏委
 之下為俊骨者一附下即眉宇之眉上左為天賢骨
 者一無勢眉上右為天貴骨者一眉上直左睛之
 上為智宮骨者一無勢右睛之上為命門骨者一兩
之下中鼻之前為梁骨者一無勢梁之左為顛骨者
為鼻梁之左為糾骨者一顛梁之左為顛骨者
一有勢無梁之左為糾骨者一顛梁之左為顛骨者
 一顛下同梁之左為糾骨者一顛梁之左為顛骨者
 嵩柱骨者一無勢左耳為司正骨者一無勢右耳為

失其真員

納邪骨者一上同正邪之後為完骨者左右共二無勢

正邪之上附內為嚏骨者一無勢嚏後之上為通骨

者左右前後共四有勢嚏上為喞骨者一無勢

後連屬為頷也左頷為乘骨者一有勢右頷為車骨

者一上同乘車之後為轅骨者左右共二有勢乘車上

下出齒牙三十六事無勢髓庸下就復次鈴骨之下

為臈中左右前後至髻以四十字關九十七骨轅骨

之下左右為鈴骨者二液鈴中為會厭骨者一無勢

鈴中之下為咽骨者左中及右共三無勢咽下為喉骨

者左中及右共三上同喉下為嚨骨者環次共十事上同

嚨下之內為肺系骨者累累然共十二無勢肺系之

後為谷骨者一無髓谷下為偏道骨者左右共二上同嚨

外次下為順骨者共八液順骨之端為順隱骨者共

八上同順下之左為洞骨者一無女人順下之右為棚骨

者一無女人洞棚之下中央為髑髏骨者一無髓俚人

髑髏直下為天樞骨者一無髓鈴下之左右為缺盆骨

者二有勢多液左缺盆前之下為下馱骨者一無右

前之下為分饒骨者一上同馱饒之後附下為倉骨

一上同倉之下左右為膠骨者共八有勢膠下之左

胸骨者一男子此骨大者好勇膠下之左右蕩骨者一女子此

失業易員 小年六 六

夫胸之下為烏骨者一男子此骨滿者髮早白蕩之下為臆骨

者一此骨高多訛妄鈴中之後為脊竅骨者共二十二上天柱

有脊竅次下為大動骨者一上通天柱共二十四椎大動之端

為歸下骨者一道家謂之尾閭歸下之後為纂骨者一此骨能限

精歸下之前條骨者一此骨薄者多處貧下復次缺盆之下左

右至襯以二十五字關六十骨此下止分兩手臂支至十指之端支

其缺盆之後為偃甲骨者左右共二有勢多液偃甲之端

為甲隱骨者左右共二此骨長則至賢前支缺盆為飛動骨

左右共二此骨病非緩次飛動之左為龍臙骨者一有勢無髓

無次飛動之右為虎衝骨者一同龍臙之下為龍木

骨者一虎衝之下為虎端骨者一俱有勢本端之下

為腕也龍本上內為進賢骨者一男子此骨隆為名虎端上

內為及爵骨者一女人此骨高為命婦腕前左右為上力骨者

共八有勢多液次上力為駐骨者左右共十同次駐骨為

擗骨者左右共十同次擗為助勢骨者左右共十左

外為爪右助外為甲爪甲之下各有襯骨左右共十無勢無液復次

髑髏之下左右前後至初步以五十一字關一百三

十六骨此下至兩乳下分左右自兩足心衆骨所會

處也髑髏之下為心蔽骨者一無髓髑髏之左為脇骨

者上下共十二居小腸之分也左脇之端各有脇隱骨者分

次亦十二無髓脇骨之下為季脇骨者共二多液季脇之

端為季隱骨者共二無髓髀髀之右為肋骨者共十二

處太陽之分也肋骨之下為眇肋骨者共二各無隱骨唯獸有之右肋

之端為肋隱骨者共十二無髓條骨之前為大橫骨者

一有勢橫骨之前為白環骨者共二有勢白環之前

為內輔骨者左右共二有勢內輔之後為骸關骨者

左右共二同骸關之下為捷骨者左右共二同捷骨

之下為髀樞骨者左右共二有勢髀樞下端為膝蓋

骨者左右共二無勢膝蓋左右各有俠升骨者共二

有勢髀樞之下為髀骨者左右共二有勢髀骨之外

為外輔骨者左右共二有勢髀骨之下為立骨者左

右共二同立骨左右各有內外踝骨者共四有勢踝

骨之前各有下力骨者左右共十有勢踝骨之後各

有京骨者左右共二有勢下力之前各有釋欹之前

各有起仆骨者共十有勢起仆之前各有平助骨者左

右共十有勢平助之前各有襯甲骨骨者左右共十無勢

釋欹兩傍各有核骨者左右共二有勢起仆之下各

有初步骨者左右共二有勢無髓有液凡人則無此骨凡此三百六

十五骨也天地相乘惟人至靈其女人則無頂威左

洞右棚及初步等五骨止有三百六十骨又男子女

人一百九十骨或隱或覩或無髓勢餘二百五十六
骨並有髓液以藏諸筋以會諸脉絡谷相需而成身
形謂之四大此骨度之常也

頭目鼻耳傷凡腦骨傷破輕手搏捺平正若皮不破
者用退腫膏敷貼若皮破肉損者先用封口藥揆之
外以散血膏貼之若皮破血流者用止血散揆之若
腫痛者用葛葉毛藤葉楓葉尾砍爛傅之不可見風
着水恐成破傷風 凡腦骨傷碎在硬處可治若傷
太陽穴不可治如在髮際須剪剃去髮看皮破不破
依上用藥敷若欲洗宜用熟油和藥水洗或和溫茶

洗之 凡面目傷青黑色用一紫散敷或紫金膏貼
傷重者用補肉膏敷貼 凡腦兩角及後枕或兩眉
有傷可治眼睛傷瞳神不碎可治或眼胞傷紫黑色
用一紫散敷貼或紫金膏敷貼傷重者用補肉膏敷
貼或頭頂心有損則難治 凡鼻兩孔傷凹者可治
血出無妨鼻梁打撲跌磕凹陷者用補肉膏敷貼若
兩鼻孔跌磕傷開孔竅或刀斧傷開孔竅用封口藥
揆傷處外以散血膏貼之退腫 凡耳斫跌打落或
上脫下粘或下脫上粘內用封口藥揆外用散血膏
敷貼及耳後看脫落所向用鵝翎橫夾定却用竹夾

子直上橫縛定縛時要兩耳相對輕縛住

唇口喉齒頤傷凡唇口刀斧斫磕跌墮等傷破皮

傷肉者先用桑白皮線縫合却以封口藥塗傳次以

散血膏敷貼牽住所封藥不令開落仍少言語凡

跌破唇耳鼻而拔缺者即以封口藥揆外以散血膏

敷貼若缺唇缺耳先用麻藥塗之却以剪刀剪去外

些皮即以絹線縫合缺耳作二截縫合缺唇作三截

縫合以雞子黃油塗次以金毛狗脊毛薄摻些於上

次以封口藥塗抹之次日以茶輕洗就揆末一日換

一次至八日剪去線又揆末凡頤頰刀斧斫磕

跌墮等傷破皮肉者用封口藥填瘡口外以散血膏

敷貼或跌磕損傷未破皮肉者用補肉膏敷貼凡

刀斧斫磕跌破上唇而拔缺者用絹片一小條從腦

後縛向前來縛合縫定次揆封口藥外以散血膏敷

貼如下唇整法却以絹片從下頰兜縛及如前法整

頓次炭末敷藥或無腫不須敷藥凡偶含刀在口

內戲耍誤

二三次藥七八日全安凡內臉涎囊被刀斧斫磕

跌墮等傷傷開涎囊者用絹線縫合却以封口藥塗

敷外以散血膏敷貼七八日接住肉剪去線揆封口

跌打傷損 卷之六 十一
藥 凡牙齒被人打跌砍磕去了牙齒者只用補肌散摻及封口藥揆服破血藥止痛藥並用水煎藥服不宜用酒煎藥須知此法乃大有功 凡牙斷跌磕斫傷牙齒未動者用芙蓉膏末摻如齒動者用蒺藜根燒存性爲末常揩搽之卽牢 凡割喉者用騎脚患人頭項以絲線先縫內喉管却縫外頸皮用封口藥塗傅外以散血膏敷貼換藥或喉被人打歪以手搖正却以前膏敷貼若結喉傷重輒喉斷不可治以湯與之得入腸者可治若並出者不可治

頸骨肩胛脇肋傷 凡高處跌墮頸骨摔進者用手巾

一條繩一條繫在枋上垂下來以手兜縛頰下繫於後腦殺縛接繩頭却以瓦罌一箇五六寸高看捺入淺深斟酌高低令患人端正坐於其罌上令伸脚坐定醫者用手掣捺平正說話令不知覺以脚一踢踢去罌子如在左用手左邊撥出如在右用手右邊撥出却以接骨膏定痛膏敷貼又一法令患人卧牀上以人擠其頭雙足踏兩肩卽出 凡左右兩肩骨跌墮失落其骨又出在前可用手巾繫手腕在胸前若出在後用手巾繫手腕在背後若左出摺向右肱右出摺向左肱其骨卽入接左摸右鬚接右摸左鬚却

以定痛膏接骨膏傳之 凡肩井骨及脇下有損不
可束縛只捺令平正用補肉膏接骨膏定痛膏敷貼
兩肋骨亦然 凡肩胛骨出相度如何整用椅一箇
令患人於椅後伸兩手於椅手圈住及以輭衣被盛
墊脇下使一人捉定兩人拔伸却墜下手腕又着曲
着手腕按捺平正却以定痛膏接骨膏敷貼絹片縛
之

手傷手有四折骨六出曰凡手臂出曰此骨上段骨
是曰下段骨是杵四邊筋脉鎖定或出曰亦割損筋
所以出曰此骨須拽手直一人拽須用手把定此間
骨搦教歸窠看骨出那邊用竹一片夾定一邊一邊
不用夾須在屈直處夾纔服藥後不可放定或時又
用拽屈拽直此處筋多喫藥後若不屈直則恐成疾
日後曲直不得 肩胛上出曰只是手骨出曰歸下
身骨出曰歸上或出左或出右須用杵一枚矮橈
一箇令患者立橈上用杵撐在於出曰之處或低用
物墊起杵長則墊橈起令一人把住手拽去橈一人
把住杵令一人助患人放身從上坐落骨節已歸
窠矣神効若不用小橈則兩小梯相對木棒穿從兩
梯股中過用手把住木棒正稜在出曰腋下骨節蹉

跌之處放身從上墜骨節自然歸曰矣 凡手脛手腕骨脫綱直拽出醫用手擡起手脛腕以患人本身膝頭墊定醫用手於頸項肩處按下其骨還窠却用定痛膏接骨膏敷貼若手腕失落在上在下用手拽伸却使手撚住方可用前膏敷貼藥夾縛若手脛骨出用圓椅橫翻向上醫用足踏住椅將病人手在椅橫內校曲入腕內以小書簿上下夾定平穩却用前膏敷貼用絹布兜縛兜縛時要掌向上若手盤出曰不可牽伸用衣服向下承住用手擗按動搖挪令平正却用前膏敷貼夾縛下用襯夾 凡手骨出向左則醫以右手拔入骨出向右則醫用左手拔入一伸一縮搖動二三次却用接骨膏定痛膏敷貼夾縛 凡手脚骨只一邊斷則可治若兩手脚骨皆斷者不可治 凡手足骨斷者中間一坐縛可帶緊兩頭放寬些庶氣血流蔭若如截竹斷却要兩頭緊中間放寬些庶使氣血聚斷處 若接縛手者前截放寬縛些使血散前去若按足者下截放寬些使氣血散下去 凡用盤出向下將掌向上醫用手擗損動處將掌曲向外捺令平正用前膏貼再用夾向背一片長下在手背外向面一片短下在掌按處向小指一

此按傷損 外科
片長下在指曲處向大指一片短下在高骨處三度
縛之 凡兩手臂骨打斷者有碎骨跌斷者則無碎
骨此可辯之皆可用定痛膏接骨膏敷貼之 凡手
指跌撲刀斧打碎用雞子黃油潤次揆封口藥末外
以散血膏敷貼絹片縛定若跌撲咬傷者用澤蘭散
傅之若有寒熱者用退熱散傅之寒熱退即去之
凡手掌根出臼其骨交互相鎖或出臼則是剝出鎖
骨之外須是搦鎖骨下歸窠出或外則須搦入內或
入內則須搦出外方入窠曰共只用手拽斷則難入
窠十有七八成痼疾也宜接骨膏定痛膏敷貼夾縛

四折骨用杉皮竹片夾縛六出曰只宜以布帛包縛
不可用夾要時時轉動不可一時不動恐接直骨

胸腹傷

凡胸前跌出骨不得入令患者靠實處醫人

以兩脚踏患者兩脚以手從脇下過背外相又抱住
患者背後以手於其肩掬起其胸脯其骨自入却用
定痛膏接骨膏敷貼 凡胸脯骨有拳槌傷外有腫
內有痛外用定痛膏敷貼內用破血藥利去瘀血次
用消血草搗酒服如刀傷先宜安骨定皮合口挪令
平正却以封口藥揆瘡口外以補肌散以雞子清調
敷貼內服補損藥活血丹之類 凡胸骨肋斷先用

破血藥却用定痛膏接骨膏敷貼皮破者用補肉膏敷貼 凡胸脇傷重血不通者用菘豆汁生薑和服一以壯力人在後擠住自吐其血次用破血藥 肚上被傷肚皮俱破腸出在外只腸全斷難醫傷破而不斷者皆可治療 凡腸出可以病人手搭在醫人肩隨其左右收起以麻油潤瘡口整入腹却以通關散吹鼻打噴嚏令腸自入用桑白皮線向皮內縫合後以封口藥塗傷處外以補肌散以雞子清調勻敷貼或散血膏更妙 線上以花乳石散敷之 肚皮裂開者用麻纒爲線或槌桑白爲線亦用花乳石散敷線上須用從裏重縫肚皮不可縫外重皮留外皮開用藥摻待生肉 若腸上有小損孔以燈火照之腸中有氣射燈不可治 又一法腸出弔起病人手用醋煎山豆根汁服一口至二口却以針於病人頸上一刺其腸自入 凡肚皮傷破孔大肚腸與脂膏俱出放入內則用縫如孔小只有膏出用手擘去膏不用縫此膏出者已無用了不可復入肚中反成禍患只須擘去不妨此是閑肉但放心去之肚內被傷者專用利大小腸不可待秘恐成重患

腰腎股膝傷

凡腰骨損斷用門一片放地下一頭斜

高些令患人覆眠以手伸上搬住其門下用三人拽
伸以手按損處三時久却用定痛膏接骨膏敷貼病
人渾身動作一宿至來日患處無痛却可自便左右
翻轉仍用破血藥 凡髻腋左右跌出骨者右入左
左入右用脚踏進摶捺平正用藥如跌入內令患人
盤脚按其肩頭醫用膝旅入雖大痛一時無妨整頓
平正却用接骨膏定痛膏敷貼只宜仰卧不可翻卧
大動後恐成損患 凡腰腿傷全用酒佐通氣血藥
俱要加杜仲 凡胯骨從髻上出者用二三人捉定
腿拔伸仍以脚捺送入却用前等膏敷貼如在襠內
出者則難治 凡脚骨傷甚難整當臨時相度難泥
一說 凡兩腿左右打跌骨斷者以手法整其骨以
手拽正上拽七分於前下拽五分於後整定用接骨
膏定痛膏敷貼以夾縛縛時先縛中正後縛上下外
用副夾若上下有腫痛無慮五日方可換藥 凡辯
腿胯骨出內外者如不粘膝便是出向外從內捺入
平正如粘膝不能開便是出向外從外捺入平正臨
機應變 凡脚盤出曰令患人坐定醫人以脚從腿
上一踏一搬雙手一摶捺搖二三次却用接骨膏定
痛膏或理傷膏敷貼 凡膝蓋損斷用手按捺進平

跌打傷損 卷之二
正後用前膏敷貼桑白皮夾縛作四截縛之其膝蓋
骨跌剝開者可用竹籬籬定敷藥夾定要四截縛之
膝蓋不開也若腫痛須用針刀去血却敷貼用夾
若或內外踝骨左右脚盤剝跌損傷用脚踏直拽正
按捺平正却敷貼前膏若膝頭骨跌出曰牽合不可
太直不可太曲直則不見其骨稜曲則亦然只可半
直半曲以竹籬籬住膝蓋骨以繩縛之 凡骨節損
折肘臂腰膝出曰蹉跌須用法整頓歸元先用麻藥
與服使不知痛然後可用手法治之

脚傷脚有六曰四折骨凡脚板上交胛處出曰須用

一人拽去自用手摸其骨節或骨突出在內用手正
從此骨頭拽歸外或骨出向外須用力拽歸內則歸
窠若只拽不用手整入窠內誤人成痼疾也宜接骨
膏定痛膏敷貼夾縛四折骨用正副夾縛束六出曰
只宜以布帛包縛不可夾之 凡脚膝出曰與手臂
肘出曰同或出內出外只用一邊夾縛定此處筋脉
最多時時要曲直不可定放又恐再出窠時時看顧
不可踈慢宜接骨膏定痛膏敷貼夾縛 凡脚大腿
根出曰此處身上骨是曰腿根是杵或出前或出後
須用一人手把住患人身一人拽脚用手盡力搦歸

巢矣或是剝開又可用軟綿繩從脚縛倒吊起用手
整骨節從上墜下自然歸窠却用接骨膏定痛膏敷
貼夾縛

背脊骨傷 凡剝脊骨不可用手整頓須用軟繩從脚
吊起墜下身直其骨使自歸窠未直則未歸窠須要
待其骨直歸窠却用接骨膏或定痛膏或補肉膏敷
以桑皮一片放在藥上杉皮兩三片安在桑皮上用
軟物纏夾定莫令曲用藥治之 凡脚手骨被壓碎
者須用麻藥與服或用刀刮開甚者用剪刀剪去骨
鋒便不衝破肉或有粉碎者去其骨免膿血之禍然

後用大片桑皮以補肉膏或定痛膏糊在桑皮上夾
在骨肉上莫令差錯三日一洗莫令臭穢用藥治之
又切不可輕易自恃有藥便割便剪便弄須要詳細
審視當行則行尤宜仔細或頭上有傷或打破或刀
傷或壓碎骨用藥敷貼縛之凡敷縛之際要於密屋
無風之所勿使風入瘡口恐成破傷風之患切記切
記

陰囊陰門傷 凡陰囊被人扯脫者用雞子黃油塗以
金毛狗脊毛薄攤於上次揆封口藥又用散血膏敷
貼外却用中葉金鎖匙紫金皮水煎服洗用紫蘇膏

煎水洗 凡陰囊處有青黑紫色腫者用補肉膏敷
貼或用定痛膏加赤芍草烏良薑肉桂各少許打和
用菲葉砍爛同藥貼如無菲葉葱葉亦可仍服利小
便藥 凡婦人腿骨出進陰門邊不可踏入用橈一
條以綿衣覆上令患人於上卧醫以手拏患人脚用
手一擰上在好脚邊上去其腿骨自入却用接骨膏
定痛膏敷貼 凡下近腿膝陰囊等處不用通藥但
貼不令血蔭

筋骨傷 凡斷筋損骨者先用手尋揣傷處整頓其筋
骨平正用接骨等膏敷貼用正副夾縛定正夾用杉
皮去外重皮約手指大排肉上以藥敷杉皮上藥上
用副夾用竹片去裏竹黃亦如指大踈排夾縛 凡
骨碎斷或未碎斷但皮破損肉者先用補肌散填滿
瘡口次用散血膏敷貼如骨折要接骨膏敷貼夾縛
或皮破骨斷者用補肉膏敷貼 凡骨斷皮破者不
用酒煎藥或損在內破皮肉者可加童便在破血藥
內和服若骨斷皮不破可全用酒煎損藥服之若只
損傷骨未折肉未破者用消腫膏或定痛膏 凡皮
破骨出差曰拔伸不入擗捺皮相近三分用快刀割
開些捺入骨不須割肉肉自破了可以入骨骨入後

用補肉膏敷貼瘡四傍腫處留瘡口用補肌散填之
皮肉不破用接骨膏定痛膏敷貼若破者必有血出
用力整時最要快便 凡皮裏有碎骨只用定痛膏
接骨膏敷貼夾縛十分傷害自然爛開肉其骨碎必
自出然後摻補肌散外以補肉膏敷貼 凡骨碎着
本處平正如何大抵骨低是不會損左右骨高骨定
損了如折骨要拔伸捺平正用藥敷貼以正副夾束
縛勿令轉動使損處堅固如出臼曲處要時時曲轉
使活處不强 凡敷貼用板子一片就板子上將蕉
葉或紙被攤接骨膏定痛膏在上移在損處皮內有
碎骨後來皮肉自爛先摻補肌散次敷補肉膏碎骨
自出若破斷皮肉先以封口藥填塗用線縫合外用
補肉膏散血膏敷貼 凡平處骨斷骨碎皮不破者
只用接骨膏定痛膏敷貼夾縛若手足曲直等處及
轉動處只宜絹包縛令時數轉動不可夾縛如指骨
碎斷止用苧蔴夾縛腿上用苧蔴繩夾縛冬月熱縛
夏月冷縛餘月溫縛 凡拔伸捺正要羶絹軟物單
正仍拔伸當近在骨損處不得前去一節骨上仍拔
伸相度左右骨各有正斜拔者 凡樽捺要手法快
便要皮肉相執平正整拔亦要相度難易或用三四

人不可輕易 凡筋斷用楓香以金沸草砍取汁調
塗傅次用理傷膏敷貼

束縛敷貼用藥 凡束縛春三日夏二日秋三日冬四
日縛處用藥水泡洗去舊藥不可驚動損處洗了仍
用前膏敷縛若束縛要杉木浸軟去麤皮竹片去黃
用青共削約手指大片用杉木皮爲正夾竹片爲副
夾踈排周匝以小繩三度縛縛時相度高下遠近使
損處氣血相續有緊有寬說見前二三日一次換藥
敷直要縛一箇月藥次以補損好膏貼之亦要以杉
皮夾住令損處堅固骨老方不夾之其杉皮貼肉上

藥敷杉皮上紙被貼藥上竹片夾紙被上縛之 凡
腫是血作用熱藥水泡洗次敷貼等草藥一時討不
及者只用理傷膏貼最便 凡用夾須攤藥於紙上
平兩頭要帶薄搭頭搭得不厚不礙肉平坦者無高
低不均之患若四岸高低不均此上便有空缺不着
肉處卽生疱切記之 凡敷貼接骨等藥疼痛不止
者可加乳香沒藥楓香白芷肉桂南星獨活等味各
量加些於藥中敷貼其肉溫暖疼痛卽住刀斧傷
去肉桂南星獨活 凡換藥不可生換用手巾打濕
搭潤逐片取脫隨手盪洗換藥不可經停一時恐生

肉疱仍先攤藥隨即應手換之此大節病累遭害切
記之凡傷重其初麻而不痛應拔伸捺正或用刀
取開皮二三日後方知痛且先勻氣血凡被杖打
痛腫而未破者先用稜針出血若破者不須出血只
用撒地金錢山薄荷生地黃地薄荷豬鬃葉澤蘭
葉血見愁搗敷貼若成杖瘡用黑膏藥白膏藥紅膏
藥太乙膏牛脂膏貼之凡刀斧傷者看輕重用藥
如輕者只用補肌散揆重者宜用封口藥揆緊縛住
如傷重者外用散血膏敷貼

用藥訣打擗樹木壓或自高處擗下者此等傷皆驚

動四肢五臟必有惡血在內專怕惡心先用清心藥
打血藥及通大小腸藥次第先服臨服加童子小便
入藥內立効專用大小腸洗利恐作隘塞利害之甚
清心藥加前方通利大小腸藥服之自然俱通無悶
煩無惡血污心以次用止痛藥服之即止擗撲傷
刀石傷諸般傷損至重者皆先服清心藥次服清小
便三服去血藥或被傷者血未結打從瘡口出或結
在內用藥打入大腸時即泄或被打被擗被木壓惡
血未積者用藥打散四肢或歸臟腑者或歸上膈者
打從口中吐出或歸中膈打入大腸泄出先用此急

救次服止痛藥卽二十五味藥中加減用。凡藥皆
憑湯使所使方先但用清心藥煎後用童便壹盞同
服或止痛重傷者則用薑湯燈心湯調二十五味藥
服之薄荷湯亦可。凡傷或刀傷及損內臟腑恐作
煩悶崩血之患如折骨者同薑酒服接骨藥溥之如
骨碎被重打重擷重木及石壓者皆用先服湯使法
並法用酒服如輕擷撲損傷則用薑湯調下二十五
味藥立効。凡打撲傷損折骨出臼者便宜用何首
烏散若發熱體實之人用踈風敗毒散若惡寒體弱
之人用五積交加散後用黃白紅黑四味末子補損

丹活血丹等藥調治之。凡折骨出臼者不宜用下
瘀血之藥及通利大便之藥只宜踈風順氣勻血定
痛補損而已。凡打撲砍磕從高跌墮瘀血攻心不
能言語者用獨聖散及破血藥下去瘀血卽能言語
次宜臨證詳治之。凡打撲跌墮傷於脇下瘀痛不
可忍者先用破血藥及獨聖散次以復元活血湯調
理。凡打撲跌墮損破皮肉紫黑色者先用破血藥
次用獨聖散又次用清上瘀血湯消下破血湯。凡
打撲損傷嘔惡血汁者先用獨聖散次用百合散又
次用生料四物湯加硬骨牛乳根加減調理。凡打

撲刀斧斫磕等傷破皮損肉血出去多頭目眩暈者
先用川當歸大川芎煎水服次加白芍藥熟地黃續
斷防風荆芥羌活獨活南星煎水加童便和服則可
不可用酒如血出少內有瘀血者以生料四物湯一
半加獨聖散一半煎水服未破皮肉者上碗加酒和
服 凡打撲刀斧斫磕等傷破傷風痛不可忍牙關
緊急角弓反張者用生南星防風等分爲末米泔調
塗患處又用熱酒童便各半調連進三服卽甦次用
疎風敗毒散調治之 凡刀斧硃磕傷破陰囊皮者
先服獨聖散次服止痛藥如內有宿血者用破血藥

凡刀斧傷破肚皮腸出者先用清心藥加童便和
服及用獨聖散次用止痛藥如血出過多先用當歸
川芎水煎服次加白芍藥熟地黃羌活獨活防風荆
芥白芷續斷水煎調乳香沒藥末和服之 凡傷損
藥中不可缺乳香沒藥此藥極能散血住痛 凡刀
斧跌磕閃肭脫臼者初然不可使用自然銅久後方
可用之折骨者宜使用之若不折骨不碎骨則不可
用修合諸損藥皆要去之好用自然銅必用火煨方
可服之然新出火者其火毒與金毒相扇挾香熱藥
毒雖有接骨之功其燥散之禍甚於刀劍戒之 凡

墮傷內有瘀血者必腹脹滿而痛或胸脇滿也宜用
破血藥清心藥及通利之自然而愈痛不止者用獨
聖散服之効驗如更不止用止痛藥服之大効如神
凡金刃所傷從高跌墮皮肉破損出血過多此宜
止疼無補爲先宜當歸補血湯若皮肉不破損者宜
作瘀血停積治之先以獨聖散次以破血藥隨證加
減續後痛不止者用止痛藥調理若胸膈疼痛用開
心草雪裏開蘇木煎酒入童便和服卽効又方單用
蘇木煎酒和童便服 凡治刀斧金刃打撲從高跌
墮皮肉破損而傷重者中間破處揆封口藥或補肌

散四邊用截血膏箍住使新血不來潮作此秘傳之
妙訣也 凡損傷妙在補氣血俗工不知惟要速効
多用自然銅恐成痼疾也初傷只用蘇木活血黃連
降火白朮和中童便煎服在下者可下瘀血但先須
補托在上者宜飲韭汁或和粥喫切不可飲冷水血
見寒則凝但一絲血入心卽歿 凡老人墮馬腰痛
不可轉側先用蘇木人參黃芪川芎當歸陳皮甘草
煎服次以前藥調下紅黑黃白四末子補損丹活血
丹 凡杖打閃肋疼痛皆滯血證宜破血藥下之痛
不可忍則傷血故也宜清心藥更不止用獨聖散大

効 凡刀斧打撲斫磕跌斷血筒出如湧泉者此傷
經也用封口藥揆以手按實少時卽止又止血散揆
之亦可如腫痛搗葱炒熱縛之 凡損大小便不通
未可便服損藥蓋損藥熱亦用酒澀秘愈甚看患人
虛實實者用破血藥加木通尚未通加芒硝虛者以
四物湯加枳殼麻仁桃仁滑腸之類虛人不可下者
四物湯加穿山甲 凡服損藥不可喫冷物魚牛肉
極冷尤不可喫若喫牛肉痛不可治又瘟猪肉猪母
肉尤不可喫切記之 凡損不可服草藥服之所生
之骨必大不得入曰相無君臣藥服則可要加溫補

氣血藥同煎 凡損藥必熱能生氣血以接骨也更
忌用火炙如敷藥不効服藥亦不効 凡用敷貼等
草藥皆要臨時生採新鮮者用之有効如出遠路討
不便者可爲末用研末不及生採者爲勝如無草藥
討處就用君臣藥接縛之 凡損藥內用酒者不問
紅白只忌灰酒且重傷不可使用酒反承起氣作腹
脹胸滿切記切記如稍定却用酒水煎或湯浸酒
凡打傷在兩脇兩胸兩肚兩肋却用通氣通血清心
藥又看病人虛實不同虛者通藥須無補藥放緩且
用貼藥在前通藥在後 凡用通藥反不通者後用

順氣藥腹肚全無膨脹而得安此爲不干血作乃是
氣閉不通如腹肚果有血作一通使下亦須以順氣
藥無之庶胸膈肚腹不致緊悶氣順後却用損藥
凡人醉卧跌牀下脚背疼痛不可屈伸損藥不効服
黑豆酒數日愈豆能下氣所損輕也 凡小兒跌橈
角上止用蘿蔔子煎服愈亦順氣也 凡整作之法
除頭腦上不可用藥水洗恐成破傷風餘可加熟油
同藥水避風洗之且與住痛整時先用熱酒磨草烏
服壹貳盞方整整時氣絕用蘇合香丸須甦未甦以
黑豆防風甘草黃連煎冷服或苡草搗水服不可用

鹽解之若吐加生薑汁 右皆專科用藥之法人有
虛實不可一律而施卽如末條整時先服草烏酒整
而氣絕灌以蘇合香丸走竄之劑未甦又以冷藥灌
之若施之氣虛之人慘於加刃矣惟薛氏法量證施
治專於內補可以遵用見後分證處治條學者宜審
焉

十不治證 顛撲損傷或被傷入於肺者縱未卽歿二
七難過 左脇下傷透內者 腸傷斷一半可醫全
斷者不可治 小腹下傷內者證候繁多者 脉不
實重者 老人左股壓碎者 傷破陰子者 血出

盡者 肩內耳後傷透於內者皆不必用藥

整頓骨麻藥

草烏 各錢

當歸

白芷 各錢

右末每服伍分熱酒調下麻倒不知痛然後用手如法整理

草烏散 治傷骨節不歸窠者用此麻之然後下手

整頓

白芷

川芎

木鼈子

豬牙皂角

烏藥

半夏

紫金皮

杜當歸

川烏 各貳

舶上茴香

草烏 各壹

木香 半兩

右為細末諸骨碎骨折出臼者每服壹錢好酒調下麻倒不知疼處或用刀割開或用剪去骨鋒者以手整頓骨筋歸元端正用夾板夾縛定然後醫治或箭鏃入骨不出亦可用此藥麻之或鐵鉗拽出或用鑿鑿開取出若人昏沉後用鹽湯或鹽水與服立醒

外治方藥 初氏云凡顛傷皮破血出處疼不可忍乃

風寒所着宜用葱杵碎入鹽少許炒熱罨上其痛即

住冷則再溫之

葱杵

夫藥房員

小斗六

三

本事方云崔給事頃在澤潞與李抱真作判官李相
方以毬杖按毬子其將軍以杖相格乘勢不能止因
傷李相姆指并爪甲劈裂遽索金刀藥裹之強坐頻
索酒飲至數杯已過量而面色愈青忍痛不止有軍
使言取葱新折者入塘灰火煨熱剝皮擘開其間有
涕取罨損傷處仍多煨葱續續取熱者凡三易之面
色却赤斯須云已不痛凡十數度易用熱葱并滄裹
纏遂畢席笑語

治腦骨破及骨折葱白爛研和蜜浮封損處立瘥

治殺傷氣偶未絕用葱白熱鍋炒熟徧傳傷處頃卽

再易其痛自止但青葉亦可

定痛膏 治打撲傷損動筋折骨跌磕木石壓傷赤

腫疼痛

芙蓉葉

貳兩

紫金皮

獨活

南星

生

白芷

各伍錢

右末加生採馬藍菜墨斗菜各壹兩杵搗極爛和
末一處用生葱汁老酒和炒暖縛

若打撲跌磕壓傷骨肉痠疼有紫黑色未破皮肉
者加草烏肉桂良薑各叁錢研末薑汁調溫貼若
紫黑色已退除良薑肉桂草烏薑汁却以薑汁茶

清調溫貼之

若折骨出臼者加赤葛根皮寶塔草各貳兩搗爛
和前藥一處又用肥皂拾枚童便煮去皮弦子膜
杵搗極爛入生薑汁少許生白麵壹兩砍爛和勻
入前藥同杵搗勻用芭蕉葉托用前後正副夾須
仔細整頓其骨緊縛看後上下腫痛消方可換藥
腫痛未退不可換藥

本治腕打傷筋損骨疼痛不可忍

生地

壹斤切

藏瓜薑糟

壹斤

生薑

肆兩切

右都炒令勻熱以布裹罨傷折處冷則易之曾有

人傷折宜用生龜尋捕一龜將殺患人忽夢見龜

告曰勿相害吾有奇方可療於夢中授此方神効

經驗方

治跌撲瘀血作痛或筋骨疼痛

黃礬

壹兩

半夏

伍錢

右為末用薑汁調塗患處以紙貼之如乾薑汁潤

之周日易之

消毒定痛散

治跌撲腫痛

無名異

炒

木耳

炒

大黃

伍錢炒

右為末蜜水調塗如內有瘀血砭去敷之若腐處

更用當歸膏敷之尤好

截血

截血膏

治刀斧斫磕等處能化血破瘀退腫止痛

天花粉 叁兩

薑黃

赤芍藥

白芷 各壹兩

右末茶清調勻敷瘡口四邊若刀斧傷於頭面血不止者急用此末茶清調勻塗頸上周圍若傷手則塗臂周圍若傷足則塗腿上周圍若傷各處則塗瘡口周圍使截住其血不來潮作也

金瘡着水肉翻花者用韭汁調此末傅瘡口四邊以火微炙之又用早稻煙熏之瘡口出水即愈如無水出即是風襲倍加南星和敷

若瘡口肉硬不消者此被風所襲也可加獨活用熱酒調敷如又不消則風毒已深肌肉結實加紫金皮和敷有必消之理也

散血

散血膏

治打撲傷損跌磕刀斧等傷及虎傷瘡豬

牛咬傷

耳草葉

藤生藤上有棘葉如木綿葉又名猪緝驢又名虎驢草又名獅子驢

澤蘭葉

少許

右各生採杵搗極爛冷敷縛刀斧斫磕等傷破皮損肉者先用羊毛餅貼次貼此膏瘡口四邊用裁血膏敷貼令血不來潮作一人跌破陰囊又一人

跌拔鼻孔二者俱先整理皮肉端正用此膏効驗
一法不用羊毛餅只用金毛狗脊毛薄鋪些於
患口上次揆封口藥再却以此膏貼効更速

羊毛餅法

雞子清桐油各半打勻以羊毛薄捻作餅如紙樣
貼在患處上以散血膏或補肉膏敷貼

接補消腫膏 治證同前

耳草葉

雪裏開

水圻葉

烏苞葉

紫金皮

右末以雞子清入桐油少許調勻敷貼

活血散 治打撲傷折手足

右用菜豆粉新鐵銚內炒令紫色用熱酒同熱醋
調令成膏傅貼損處用紙花蓋貼將杉木一片或
二片縛定其効如神

赤散 治傷損傅藥後起疱者以稜針挑破摻末

大黃

赤石脂

石膏服各等分

右末摻之

一黃散 治打撲傷痕紫黑有瘀血流注有熱者
大黃

右末薑汁調溫傅

一白散 治打撲傷痕紫黑有瘀血流注無熱者

半夏

右末薑汁調傅

萬金膏 治癰疽發背諸般瘡癤從高墜下打撲傷損脚膝生瘡遠年賺瘡五般痔漏一切惡瘡並皆治之

龍骨

鼈甲

苦參

烏賊魚骨

黃蘗

黃芩

黃連

猪牙皂角

白芨

白斂

厚朴

木鼈子仁

草烏

川芎

當歸 洗焙

香白芷

各壹兩

沒藥

另研

乳香

另研各半兩

槐枝

柳枝

各肆寸長貳拾壹條

黃丹

壹斤半炒過

清油

肆斤

右除乳沒丹外將諸藥於油內慢火煎紫赤色去滓秤淨油叁斤放鍋內下丹不住手攪令黑色滴入水不散及不粘手下乳沒末再攪勻如硬入油些少以不粘手為度

洗藥荆葉散

治從高墜下及一切傷折筋骨瘀血

結聚疼痛

跌打傷損 夕禾六

頑荆葉

壹兩

白芷

細辛

去苗

蔓荆子

桂心

川芎

丁皮

防風

去蘆

羌活

各半

右作壹服入鹽半匙連根葱伍莖漿水伍升煎取
參升去滓通手淋洗痛處冷即再易避風處洗之

接骨

接骨用好無名異參兩為末丁乳檀沉木五香

各半錢重為末先燒鐵銚紅以五香三之一彈入銚
內候煙起則全下無名異待滾退火定後再上火炒
熱又將五香彈三之一彈入銚內候滾又退火如此
者凡三次訖出火毒即用骨碎補去毛約壹斤與生

薑等分搗爛以碗覆之候發熱先約取五之一入小
葱九莖連鬚去蒂同入沙盆搗細取其汁調前無名
異末貳錢衝老酒服之其查菴患處即愈如年老氣
衰者再作一劑多飲酒力助之為妙

潔接骨丹敷貼藥

天南星

木鼈子

各肆兩

沒藥

乳香

各半兩

官桂

壹兩

右為細末薑壹斤去皮爛研取自然汁入米醋少
許白麪為糊同調攤紙上貼傷處以帛縛之用篋
夾定麻索子纏

跌打傷損

夕禾六

三

接骨丹 治折骨出口無草藥討處用此方効

南星 生肆兩

木鼈子 叁兩

紫金皮

芙蓉葉

獨活

白芷

官桂

松香

楓香 各壹兩

小麥麩 貳兩

乳香

沒藥 各伍錢

右末米醋生薑汁各少許入酒調勻攤油紙上夾縛冬月熱縛夏月溫縛

世治顛撲筋斷骨折用粟米半升木鼈肉貳拾箇半夏半兩婦人髮一團葱白鬚一小束同炒煙盡存性為末熱醋調傅神効 治顛撲筋斷骨折用糯米壹

升阜角切碎半升銅錢百箇同炒至半焦黑去銅錢為末用好酒調膏厚紙攤貼患處神効

走馬散 治折傷接骨

栢葉

荷葉

阜角 俱生用

骨碎補 去毛各等分

右為末先將折傷處揣定令入元位以薑汁調藥如糊攤紙上貼骨斷處用杉木片夾定以繩縛之莫令轉動三五日後開看以溫葱湯洗後再貼藥復夾七日如痛再加沒藥

乳香膏 治打撲傷損

乳香

松香

楓香

五倍子

狗骨

煨各
豆兩

鍋底墨

小麥麩

各伍
兩

右末用好酒調為糊樣熱敷痛處不可敷破處若破爛者只用鳳尾草為末摻之

骨碎補罨閃折筋骨折傷取根搗碎煮黃米粥和之裹傷處良

顛撲骨肉損醋搗肥皂爛厚罨之以帛縛之閃傷醋糟平胃散相和罨之

丹治顛傷骨折及血黯方用益元散柴分人參湯調

之次用薑汁好醋貳盞用獨子肥皂肆箇敲碎接於

薑汁醋中調和以綿濾過去查煎成膏藥貼之偏身

亦可

又方柑橘葉白酒糟杵細縛痛處或大段痛用火燒

地令紅用醋并米泔潑地上急鋪薦令患人薦上卧

蒸出汗內則服藥外則貼罨易安

續筋白膠香散 治皮破筋斷

右用白膠香為末傅之又方金沸草根搗汁塗筋

封口便可相續止痛

治傷斷筋骨續筋方

右取旋復根搗汁滴瘡中仍用滓傅瘡上封之二
七日卽筋骨便續更不用易

消腫紫金皮散 治打撲傷損金刀箭鏃傷處浮腫

用此

紫金皮

醋炒

南星

半夏

川當歸

黃礬

鹽炒

草烏

炮

川烏

炮

杜當歸

川芎

烏藥

破故紙

川白芷

鹽水炒

劉寄奴

川牛膝

桑白皮

各等分

右爲細末生薑薄荷汁無水調傅腫處或傷處皮

熱甚加黃礬皮生地黄半兩有瘡口者勿封瘡口

四邊傅之

本事治打撲傷損及一切腫癰未破令肉消方

生地黄

研如泥

木香

細末

右以地黄膏隨腫大小攤於紙上摻木香末一層
又再攤地黄膏貼腫上不過三五度卽愈昔許元
公入京師赴省試過橋墜馬右臂曰脫路人語其
僕曰急與按入曰中若血清曰則難治矣僕用其
說許以昏迷不覺痛遂僦轎昇歸邸或曰非錄事
巷田馬騎不能了此疾急召之至巳日暮因秉燭

視其面曰尚可治乃施藥封此處至中夜方甦達旦痛止去其封損處已白其青瘀乃移在日上自是日日易之腫直至肩背以藥下之瀉黑血參升五日復常遂得赴試盖用此法云

消腫膏 治胸脇跌墮打撲損傷腫痛或動筋折骨

芙蓉葉

紫金皮

白芷

當歸

骨碎補

獨活

何首烏

南星

橙橘葉

赤芍藥

石菖蒲

肉桂

右末以熱酒薑汁調乘熱縛腫用葱汁茶清調和

溫縛動筋折骨加山樟子葉毛銀藤皮及葉各伍

兩同前為末酒調暖敷縛

芙蓉膏

治打撲傷損腫痛紫黑色久不退者

紫金皮

南星

芙蓉葉

獨活

白芷

赤芍藥

右末生薑汁茶清調溫貼縛

傷損紫黑色久不退者加肉桂伍錢

紫金膏

治小瘡焮熱者

芙蓉葉

花者佳

紫金皮

右生採入生地黃同搗傅貼或為末以雞子清入

此膏... 蜜少許和勻調入生地黃砍爛和傅

松損膏 治諸傷損

天花粉

芙蓉葉

紫金皮

赤芍藥

南星

獨活

當歸

白芷 各壹兩

牡丹皮 叁錢

右末薑汁調熱傅貼疼痛甚者加乳香沒藥各少許

松葱膏 治傷損

松香

葱連根葉 炒熱

右杵搗成膏炙熱縛傷處先以生薑砍爛炒熱罨

少時次以此膏貼之退腫住痛

退腫膏 治頭腦破傷損或跌破或刀斧傷處或被

杖棒打破及別處傷

芙蓉葉

地薄荷

耳草葉

澤蘭葉

金桐葉

赤牛膝

大黃 另研末 各等分

右砍爛傅貼傷處中間留孔出氣用澤蘭葉盪軟

貼住冬月用芭蕉葉一日一換藥用茶洗傷處若

傷處浮腫用小青葉搗傅後用尻池葉地薄荷搗

傅後痛不住用葛葉毛藤葉楓葉尾砍傅貼住痛

耳鼻治擦落耳鼻用髮入確子鹽泥固濟煨過為末乘急以所擦落耳鼻蘸灰綴定以軟絹縛定効江懷禪師為驢所咬下鼻一僧用此綴之効

眼

一紫散治傷損眼胞青黑紫色腫痛

紫金皮

董便浸赤
日曬乾

生地黄

各等分

右砍爛茶清調勻傳貼餘處傷不用製

一綠散治打撲眼胞赤腫疼痛

芙蓉葉

生地黄

各等分

右砍爛傳貼或為末雞子清調勻傳之

指

退熱散治跌磕打傷惟大指中指傷命餘指無妨

山布瓜根

多

景天草

澤蘭葉

地薄荷

魚桐根皮

右搗爛冷縛傷處大退身上寒熱

澤蘭散治跌撲咬傷及咬傷手指并刀斧傷

芙蓉葉

澤蘭葉

白佛桑葉

地薄荷

耳草葉

右搗爛冷縛傷處留口通氣以七葉楊香葉或池

黃葉熱茶盪軟貼住

肩

負重擔肩破者剪猫兒頭上毛不語唾粘之

脚

遠行脚打泡用調生麩糊貼過夜即乾不可擦破又

生藥易員

小年六

四

法用飯粘貼過夜以紙蓋之次日平復神効

內服方藥

表脉浮緊證發熱惡寒體痛此挾有外邪宜發散

四季傷損發散春五積散香蘇散夏香薷飲五苓散

秋正氣散冬和解散加減以上諸方並見傷寒寒熱加柴胡前

胡黃芩頭痛加川芎白芷脚氣加白芷檳榔木香痰

加南星半夏烏梅氣喘加人參木香沈香寒加蒼朮

半夏陳皮右等分咬咀葱白煎空心服

疎風敗毒散 治打撲諸損動筋折骨跌磕墮傷者

當歸 川芎 白芍藥

熟地黄 羌活 獨活

桔梗 枳殼 柴胡

白茯苓 白芷 甘草

紫蘇 陳皮 香附

右生薑生地黃煎入酒和服

加味交加散 治打撲傷損折骨出臼發熱惡寒體

弱之人用此服之若體實之人宜疎風敗毒散

當歸 川芎 白芍藥

生地黄 蒼朮 厚朴

陳皮 白茯苓 半夏

此書係抄
夕禾

羌活

獨活

桔梗

枳殼

前胡

柴胡

乾薑

肉桂

甘草

右生薑煎服

有熱除乾薑肉桂

羌活乳香湯

治跌撲傷損動筋折骨發熱體痛挾

外邪者

羌活

獨活

川芎

當歸

赤芍藥

防風

荆芥

丹皮

續斷

紅花

桃仁

陳皮

右生地黄煎服

有熱加柴胡黃芩

裏肝脉搏堅而長脇下痛不可忍宜行瘀血 海藏

云若登高墮下重物撞打箭鏃刃傷心腹胃中停積

鬱血不散以上中下三焦分之別其部分上部易老

犀角地黄湯中部桃仁承氣湯下部抵當湯之類下

之亦有以小便酒同煎治之 更有內加生地黄當

歸煎者有大黃者又法虛人不禁下者以四物湯加

穿山甲煎服妙亦有花榮石散以童子小便煎或酒

服之者此藥與前寒藥正分陰陽不可不辨也若瘀

血已去用復元通氣散加當歸煎服亦可

失業易員

小斗六

四二

仲景治馬墜及一切筋骨損傷

大黃

壹兩切湯浸或半兩

緋帛

亂髮

如雞子大燒灰

敗蒲席

叁寸

久用炊單布

壹尺燒灰

桃仁

肆拾玖箇去皮尖

甘草

如中指節炙剉

右柒味以童子小便量多少煎湯或內酒壹大盞次下大黃去查分溫叁服先剉敗蒲席半領煎湯浴以衣被覆斯須通利數行通後立瘥利後浴水赤勿怪卽瘀血也

復元活血湯

治從高墮下惡血流於脇下及疼痛不可忍者經云有所墮墜惡血留內有所大怒氣

上而不行下損於脇則傷肝肝膽之經俱行於脇下經屬厥陰少陽宜以柴胡爲引用爲君以當歸活血脉又急者痛也以甘草緩其急亦能生新血陽生陰長故也爲臣穿山甲括萸根桃仁紅花破血潤血爲之佐大黃酒製以蕩滌敗血爲之使氣味相合各有所歸痛自去矣

柴胡

伍錢

當歸

穿山甲

炮

括萸根

各叁錢

甘艸

紅花

各貳錢

桃仁

去皮尖伍拾箇

大黃

酒浸壹兩

右件桃仁研爛餘藥剉如麻豆大每服壹兩水貳

跌打傷損 卷之六

鍾酒半盞煎至柒分去查大溫服食前以利為度

得利後痛或不盡服乳香神應散方見後

巴戟湯古治從高墜下及打撲內損昏冒嗜卧不能

飲食此謂血閉臟腑不通

巴戟去心 大黃各等 當歸

地黃 芍藥 川芎各壹

右為末水煎以利為度

當歸導滯散東垣治打撲損傷落馬墜車瘀血大便不

通紅腫青黯疼痛昏悶畜血內壅欲歾

大黃壹兩 當歸貳錢 麝香少許

右參味除麝香別研外為極細末入麝香令勻每

服參錢熱酒壹盞調下如前內瘀血去或骨節傷

折疼痛不可忍以定痛接骨紫金丹治之

又導滯散 治重物壓傷或從高墜下或吐血不能

禁止或瘀血在內胃腹脹滿喘促氣短

當歸 大黃各貳

右為細末每服參錢不拘時溫酒調服

奪命散濟生治刀刃所傷及從高墜下木石壓損瘀血

凝積心腹疼痛大小便不通

水蛭用石灰拌慢火炒 黑牽牛貳兩

跌打傷損

卷之六

四三

右末每服貳錢熱酒調下約行四五里再用熱酒
調黑牽牛末貳錢催之須下惡血成塊以盡為度
雞鳴散因三治從高墜下及木石所壓凡是傷損血瘀
凝積氣絕欲死煩躁頭痛叫呼不得並以此藥利
去瘀血治折傷神妙

大黃

壹兩酒蒸

桃仁

貳半粒去皮尖

右研細酒壹碗煎至陸分去查雞鳴時服次日取
下瘀血即愈若便覺氣絕不能言取藥不及急尋
口開用熱小便灌之即愈

清上瘀血湯 治上膈被傷者

羌活

獨活

連翹

桔梗

枳殼

赤芍藥

當歸

梔子

黃芩

甘草

川芎

桃仁

紅花

蘇木

大黃

右生地黃煎和老酒童便服

消下破血湯 治下膈被傷者

柴胡

川芎

大黃

赤芍藥

當歸

黃芩

五靈脂

桃仁

枳實

羅氏花蕊石散

梔子 赤牛膝 木通

澤蘭 紅花 蘇木

右生地黄煎加老酒童便和服

大紫金皮散 治打撲傷折內損肺肝

紫金皮 降真香 補骨脂

無名異 燒紅酒 焯柴次 川續斷 琥珀 另研

牛膝 酒浸 壹宿 桃仁 去皮 炒 當歸 洗焙

蒲黃 各壹兩 大黃 濕紙 裹煨 朴硝 另研各 壹兩半

右為細末每服貳錢食前濃煎蘇木當歸酒調服

破血藥 治打撲墮馬從高跌下皮肉不破者此藥

血停積內攻不能言語而或譫妄此宜攻利為先

若皮破血流者宜作金瘡亡血過多治之

柴胡 黃芩 五靈脂

枳實 當歸 赤芍藥

川芎 生地黄 大黃

朴硝 桃仁 紅花

蘇木

右水煎入酒童便和服皮破血流者不用酒

羅氏花蕊石散 治一切金刃箭鏃傷及打撲傷損

貓狗咬傷或至死血瘀傷處以藥搽之其血化為

輕者 內消

夫藥房

卷六

黃水再搽藥便活更不疼痛如內損血入臟腑煎童子小便入酒少許調壹大盞服之立効若牛舐腸出不損者急內腸入用細絲或桑白皮爲線縫合肚皮縫上搽藥血止立活如無桑白皮用生麻縷亦得並不得封裹瘡口恐作膿血如瘡乾以津液潤之然後搽藥婦人產後敗血不盡血迷血暈惡血奔心胎死腹中胎衣不下至死者但心頭覺暖急以童子小便調壹盞取下惡物如肝片終身不患血風血氣證若膈上有血化爲黃水卽時吐出或隨大便出

石硫黃

肆兩

花蕊石

貳兩

右貳味相拌合勻先用紙筋和鹽泥固濟瓦罐子壹箇內可容藥候泥乾入藥在內再用泥封口候乾安在四方磚上上書八卦五行字用炭壹秤籠疊周匝自巳午時從下着火漸漸上徹直至經宿火冷炭盡又放經宿罐冷取出細研以絹羅子羅極細磁盒盛之依法使用

破血消痛湯東垣治乘馬損傷跌破脊骨惡血流下腸下甚痛苦楚不能轉側妨於飲食

羌活

防風

官桂

各壹錢

此書係抄本
卷之六

蘇木 壹錢

柴胡

連翹

當歸 稍各貳錢

麝香 少許另研

水蛭 叁錢炒去

右為麤末只壹服酒貳大盞水壹盞水蛭麝香另研如泥餘藥煎至壹大盞去火稍熱調貳味服之兩服立愈

經治折傷用水蛭新瓦上焙乾為細末熱酒調下壹錢食頂痛更壹服痛止便將接骨藥封以物夾定直候至好

世治從高至下墜及打擊內傷神効麝香水蛭各壹兩剉碎炒煙出貳件研為細末酒調貳錢當下畜血未止再服其効如神

行自然銅有人飼折翅鴈後遂飛去今人打撲損傷研極細末飛過用當歸沒藥各半錢以酒調頻服仍以手摩痛處

海治墜落車馬筋骨疼痛不止用玄胡索壹兩搗羅為散不計時服以豆淋酒調下貳錢
本童便治卒血及心被打內有瘀血者煎服之壹服

膏丹
山顛撲傷損松節煎酒喫 顛撲重傷用生薑自然汁肆兩香油肆兩打勻無灰酒熱調下

本草綱目

小科六

四八

塞上方治墜傷損撲瘀血在內煩悶者用蒲黃末空
心熱酒調下參錢瘥

表裏二十五味藥 治顛撲損傷骨折筋斷刺

痛不問輕重並皆治之

香白芷 紫金皮 破故紙各醋炒

劉寄奴 川當歸鹽炒 赤芍藥米泔浸

黑牽牛 川牛膝茶水浸 生地黄鹽水浸炒

川芎 乳香 沒藥

木通 自然銅骨不碎不用 臨好時用

草烏醋炒孕婦不用 木香 川烏火煨孕婦不用

藿香 骨碎補 木賊

官桂 羌活 獨活已上各壹兩

熟地黄鹽水炒 杜牛膝茶水炒各半兩

金刀傷挫曰者去自然銅骨碎骨折者用之然須
於此方內去自然銅臨好時却入用之如早服以
成他疾同研為末用蜜為丸如彈子大用黃丹為
衣或被顛撲損傷金刀箭鏃不問輕重每服壹丸
溫酒磨化服或細嚼酒送下如被刀傷全斷內損
重者以薄荷湯或木瓜湯薑湯燈心湯皆可服病
在上食後病在下食前在中者不拘時服 老人

骨脉冷宜加當歸川芎川烏木香丁香人參半兩
去白芍藥生地黄

沒藥降聖丹 治打撲傷損筋斷骨折攣急疼痛不
能屈伸及榮衛虛弱外受風邪內傷經絡筋骨緩
縱皮肉刺痛肩背拘急身體倦怠四肢少力

沒藥 另研

當歸 酒洗

白芍藥

骨碎補 煨去毛

川烏頭 生去皮臍

自然銅 火煨醋淬拾貳

次研為末水飛過熱各壹兩

生地黄

川芎 各壹兩半

右為細末以生薑自然汁與煉蜜和丸每壹兩作肆丸每服壹丸搥碎用水酒各半鍾入蘇木少許

煎至捌分去蘇木空心服

清心清心藥 治打撲傷損折骨出臼刀斧斫磕等

傷及肚皮傷破腸出者

牡丹皮

當歸

川芎

赤芍藥

生地黄

黃芩

黃連

連翹

梔子

桃仁

甘草

右燈心草薄荷煎入童便和服

本治打撲墜損惡血攻心悶亂疼痛水仙散

未展荷葉陰乾壹味為末食前以童子熱小便壹

小盞調下參錢以利下惡物為度

聖治撲打墜損惡血攻心悶亂疼痛以大乾荷葉伍

片燒令煙盡細研食前以童子熱小便壹小盞調參

錢七日參服

止痛止痛藥 治打撲傷損折骨出口金瘡破傷

當歸

牛膝

川芎

淮生芩

赤芍藥

白芷

羌活

獨活

杜仲

續斷各壹兩

肉桂

八角茴香

乳香

沒藥各伍錢

南木香

丁皮

沉香

血竭各貳錢半

右末老酒調服

散血定痛補損丹

治諸般傷損腫痛

當歸

川芎

赤芍藥

生芩

白芍藥

牛膝

續斷

白芷

杜仲製

骨碎補

五加皮

羌活

獨活

南星製

防風各壹兩半

官桂

乳香

沒藥各壹兩

南木香

丁皮

角茴各伍錢

跌打傷損 外科

五

右末酒調服

定痛當歸散 治諸損腫痛

當歸

川芎

赤芍藥

白芍藥

熟芩

羌活

獨活

牛膝

續斷

白芷

杜仲 各貳兩

川烏 炮

乳香

沒藥

肉桂 各壹兩

南木香

角茴

丁皮 各伍錢

右末酒調服

四草定疼湯 治打撲跌墮壓磕等傷腫痛

山薄荷

寶塔草

矮金屯葉

皺面藤葉

右生採葉搗酒服根梗煎酒服

聖靈丹 治一切打撲損傷及傷折疼痛不可忍者

並宜服之

乳香 伍錢

烏梅 去核 伍箇

白米 壹撮

蒿苳子 壹大盞炒取 貳兩捌錢

右為細末煉蜜和丸如彈子大每服壹丸細嚼熟

酒吞下食後壹伏時痛不止再服

活血順氣何首烏散 治打折筋骨初然便宜服此

跌打傷損 外科

藥順氣踈風活血定痛

何首烏

當歸

赤芍藥

白芷

烏藥

枳殼

防風

甘艸

川芎

陳皮

香附

紫蘇

羌活

獨活

肉桂

右薄荷生地黃煎入酒和服

疼痛甚者加乳香

沒藥

調經散

治跌撲損傷踈利後用此藥調理

川芎

當歸

芍藥

黃芪

各壹錢半

青皮

烏藥

陳皮

熟地黃

乳香

另研

尚香

各壹錢

石作壹服水貳鍾煎至壹鍾不拘時服

木宣和中有一國醫忽承快行宣押就一佛刹醫內

人醫診視之已昏歿矣問其從人皆不知病之由惶

恐無地良久有二三老內人至下轎環而泣之方得

其實云因蹴鞦韆自空而下墜歿醫者云打撲傷損

自屬外科欲申明又恐後時參差不測再視之微覺

有氣忽憶藥篋中有蘇合香丸急取半兩於火上焙

夫業易員

小斗六

五三

去腦麝用酒半升研化灌之至三更方呻吟五更下
惡血數升調理數日方瘥 先夫人之喪一守靈婦
登高取物墜下昏冒不省人事予急令煎蘇木湯調
蘇合香丸灌之明日已平復矣

活血丹 治打撲傷損動筋折骨跌墮斫磕刀

斧等傷諸般風疾左癱右瘓手足頑麻婦人血風
渾身疼痛冷痺一切損傷悉皆治之

青桑炭 壹斤

當歸

牛膝

川芎

赤芍藥

熟苳

黑豆 酒煮

何首烏

南星 製

白芷

老松節 燒

杜仲 製

破故紙

羌活

獨活

蒼朮 製

防風

荊芥

骨碎補

桔梗

栗間

續斷 各肆兩

草烏 醋煮炒

川烏 炮

肉桂

木鱉子 炒

角茴

地龍 去土

白斂

白芨 煨

細辛

降真香

檀香

松香

楓香

五靈脂

京墨 煨

血竭

乳香

沒藥 各貳兩

右末醋煮秫米粉糊為丸彈子大曬乾以生漆抹
手上椰漆為衣陰乾却以布袋盛挂於風處經久
不壞亦不失藥味每服用當歸酒磨下 傷筋折
骨加自然銅煨醋淬貳兩若金刃出曰不可用之
大活血丸 治打撲傷損折骨碎筋瘀血腫痛癱瘓
頑痺四肢痠疼一切痛風等證

青桑炭 壹斤

栗間

骨碎補

南星 製

白芍藥

牛膝

川烏 炮

黑豆 酒煮各壹兩陸錢

自然銅

木鼈子 各捌錢

細辛 壹兩

降真香節

楓香 各叁錢

乳香

沒藥

血竭 各陸錢

右末醋煮秫米粉糊集眾手搓為丸緩則發裂如
彈子大候乾用生漆為衣久則不壞每用壹丸用

無灰酒磨化服

黃末子 治證同前

川烏 炮

草烏 醃

降真香

楓香

肉桂

松香

薑黃

乳香

沒藥

此按傷損

細辛 各伍錢

當歸

赤芍藥

羌活

獨活

川芎

蒲黃

白芷

五加皮

桔梗

骨碎補

蒼朮 醋煮

何首烏

川牛膝

片薑黃 各壹兩

右末酒調下欲好之際加自然銅製壹兩只折骨者便可用之

白末子 治證同前

白芷

南星 製

白朮

何首烏

桔梗

羌活

獨活

白芍藥

白楊皮

川芎

白茯苓

白斂

當歸

薏苡仁 炒

骨碎補

牛膝

續斷

川烏 炮

細辛

肉桂

楓香

乳香

沒藥 各壹兩

右末酒調下欲好之際加自然銅製壹兩只折骨者便可用之

紅末子 治證同前

獨活

何首烏

南星 製

白芷

羌活

當歸

骨碎補

蘇木

牛膝

赤芍藥

紅花

川芎

細辛

川烏製

桔梗

降真香

楓香

血竭

乳香

沒藥各壹兩

右末酒調下欲好之際加自然銅製壹兩只折骨者便可用之

黑末子 治證同前

雄雞毛燒

桑炭

老松節炒存性

嫩松心

側柏葉醋煮各肆兩

當歸

牛膝

何首烏

黑豆製

南星製

骨碎補

熟地黄

羌活

獨活

赤芍藥

川芎

白芷各壹兩

細辛

肉桂

川烏炮

草烏製

木鼈子

南木香

五靈脂

降真香

乳香

沒藥

楓香各壹兩

百草霜伍錢

右末熱酒調下欲好之際加自然銅製壹兩只折

骨者便可用之

牡丹皮散 治跌撲閃剝傷損滯血疼痛

牡丹皮 當歸 骨碎補

紅花 酒浸 續斷 乳香

沒藥 桃仁 川芎

赤芍藥 生地黄

右水酒煎服却用秫米飯熱罨縛冷又蒸熱換縛

橘木四物湯 治跌撲磕傷滯血體痛飲食少進

當歸 川芎 白芍藥

淮生芩 陳皮 白朮

紅花 桃仁

右生地黄煎服 骨節疼加羌活獨活 痛不止

加乳香沒藥

黑神散 和劑

黑豆 去皮炒 熟乾地黄 酒浸 當歸 去蘆酒製

肉桂 去麤皮 乾薑 炮 甘艸 炙

芍藥 蒲黃 各肆兩

右為細末每服貳錢酒半盞童子小便半盞不拘

時煎調服

當歸補血湯 治金刃所傷及跌磕打撲皮肉破損

亡血過多此宜止痛無補為先若皮肉不破損者
宜作瘀血停積治之

當歸

川芎

白芍藥

熟芩

防風

連翹

羌活

獨活

乳香

沒藥

白芷

續斷

杜仲

右生地黃煎入童便和服不可用酒 氣虛加人

參白朮黃芪按補血須用參芪為君此止用四

物亦活血之藥非補血也况加以羌獨防芷之耗

散乎

順氣復原通氣散

治打撲傷損作痛及乳癰便毒

初起或氣滯作痛

木香

茴香炒

青皮去白

穿山甲

酥炙

陳皮

白芷

射干

漏蘆

貝母各等分

右為末每服壹貳錢溫酒調下

薛按前方治打撲閃錯或惱怒氣滯血凝作痛之
良劑經云形傷作痛氣傷作腫又云先腫而後痛
者形傷氣也先痛而後腫者氣傷形也若人元氣

素弱或因叫號血氣損傷或過服尅伐之劑或外
傳寒涼之藥血氣凝結者當審前條大法用溫補
氣血爲善

接骨神效無比累驗用當參錢壹百零捌箇錢厚

草者以鐵線穿定用活桑木壹根作柴燒錢紅炭醋

壹大碗未煎者不入鹽將所燒錢焯入醋中如此焯
之以醋乾爲度取醋中焯落銅錢末就用醋洗去灰
曬乾爲極細末再用黑雄雞壹隻清湯煮熟去肉用
骨壹副以醋炙酥爲末入乳香沒藥各壹兩與銅錢
末一處和勻每服壹字臨服時用患人髮在頂上者

洗去垢燒灰入藥中無灰酒調服不吐只壹服如吐
出再服如痛止不可再服必須先夾縛所折骨端正
用楊樹皮刮去肉糊并外麤皮傳之下咽便不痛五
七日便能運動必終身忌葷薺一名地栗

一方用五銖錢醋焯壹兩貳錢黑雞骨叁兩研細勻
每服病在下肆錢踈服食前病在上貳錢半頻服食
後一方有乳香沒藥

潔古方用醋焯半兩錢蘇木定粉南鵬砂各壹錢爲
末作壹服當歸酒二三服痛止勿服

丹接骨散

沒藥

乳香 各伍錢

自然銅 壹兩醋淬

滑石 貳兩

龍骨 叁錢

赤石脂

白石脂 各貳錢

麝香 後入少許

右為細末以好醋浸沒煑多為上候乾就炒燥為度臨服入麝香少許挑小茶匙在舌上溫酒下病分上下食前後服若骨已接尚痛去龍骨石脂而多服儘好

世又方接骨

乳香

沒藥

蘇木

降真節

川烏 去皮尖

松明節

自然銅

米醋煑各壹兩

地龍

去土麻油炒半兩

血竭

叁錢

龍骨

半兩生用

水蛭

油炒半兩

土狗

拾箇油炒

右為細末每服伍錢酒調下在上食後在下食前定痛接骨紫金丹

麝香

沒藥

紅娘子

各壹錢半

烏藥

地龍 去土

茴香

陳皮

青皮 各貳錢半

川烏

草烏

炮各壹兩

五靈脂

去皮

木鼈子

去殼各半兩

黑牽牛

伍分生用

骨碎補

葳靈仙

金毛狗脊

防風 去蘆

自然銅

醋煑柒次各伍錢

禹餘糧肆錢

右為細末醋糊丸如桐子大每服拾丸至貳拾丸
溫酒送下病上食後病下食前服

麥兜散

半兩錢

煨醋粹

自然銅

煨醋粹

地鼈蟲

焙乾

右參味等分每服酒調壹分不可多多則骨高起
矣

一方用五銖錢煨淬研細每服壹麥殼許麤蟲漿調
下

接骨仙方

人骨

小兒者尤佳煨壹兩

乳香

貳錢

喜紅絹

壹斤洗

末之每服貳錢溫酒下

又方

小兒骨

煨壹兩

乳香

伍錢

白麪

叁錢炒

右為末無根水調為丸如梧桐子大每服叁拾丸
熱酒吞下

搜損尋痛丸 能接骨徧身疼痛久損至骨如金亦
傷則後用之

乳香

沒藥

茴香

炒各貳錢

肉桂

叁錢

軍薑

炒

丁皮

獨活炒

草烏炒黃色

赤芍藥炒

石粘藤炒

白芷各伍錢

當歸

川芎

薏苡仁炒各壹兩如筋絕脉絕多加此壹味

骨碎補炒貳兩

右作末蜜為丸用生薑細嚼溫酒吞下如為末用薑酒調服亦可浸酒喫亦可如折傷則須用藥徧身頑麻方可用藥接骨加草烏壹七多熱酒調服量人老弱虛實加減用之如其人麻不解可用大烏豆濃煎汁解之如無豆淡煎濃豉亦可如吐加薑汁

金瘡治金瘡白藥

黃礬

黃芩

當歸

赤芍藥

黃芪

牡丹皮

生地黃

木鼈子去殼

黃連

地骨皮

桑白皮

甘草各壹錢半

白芷

馬藜稍葉生者壹錢火煨過

右用桐油參兩煎黃色濾去滓再煎油稍熟入細白板松香壹片慢火煎須頻頻柳枝攪勻却入香沒藥黃丹各柒錢煎數沸出火頃時以少紙鋪於前濾藥滓布上濾過先用丸鉢滿盛清水捌分

却濾藥於鉢水中將去清水中如綳麩狀綳三二
百度愈綳愈白故名白藥常以清水浸傾於冷地
上用物遮蓋勿令塵入五七日一換水刀斧一應
金傷量傷孔大小取壹塊填於傷孔中以白紙護
之隨手不疼一日一換五日生肉筋斷加杜仲續
斷各貳錢同煎收瘡口加龍骨半錢碎了煎入藥
內打損只敷於油紙上貼之即愈却不須入接筋
龍骨等劑

太乙膏 治金瘡箭鏃不問輕重并癰疽疔毒用此
傳之

白芷

蒼朮

石膏

醋炒

白膠香

乳香

沒藥

黃丹

各伍錢

右爲末用真麻油肆兩桐油亦可以黃蠟壹兩先
煎油柳枝攪次入白芷等煎少頃却入白膠香石
膏得同煎試欲成珠却入蠟同煎片時用生布濾
過瓦器收藏用油單紙攤之損傷傳瘡口自然肉
不痛速愈

理傷膏 治打撲傷損折骨出臼刀斧跌磕等傷

陀僧

黃丹

自然銅

黃蠟

豬油

乳香

沒藥

松香

麻油

各壹兩

各肆兩

各壹斤

右以折傷木皮壹兩剉碎入油煎數沸濾去滓入陀僧黃丹慢火熬成膏次入松蠟融化再熬滴水中成珠為度却入乳香沒藥自然銅末和勻攤貼金瘡神效方

五倍子

降真香

右各炒焦出火毒後研為末等分乾摻虎者加人參末

封口藥 治刀斧傷割喉斷耳缺唇傷破肚皮跌破

陰囊皮等證大効

乳香

沒藥

兒茶

當歸

杉皮炭

麝香

片腦

豬鬃

壹分
錢
如無此葉用葛藤子葉亦可

右各另研細末秤合和勻入麝碼細次入腦碼勻磁器收貯如缺唇先以小氣針作三截針之用絹線一條兩頭搓豬毛以唾蘸濕抹封口藥於線上將藥線三截穿定却以麻藥抹缺處以剪刀口抹封口藥薄剪去此皮以線即縫合就以雞子黃油搽患處以金毛狗脊毛薄鋪於上却以封口藥末

按於上每日用藥水輕洗去搽油換藥每日只換一次待八日剪去線搽藥

洗藥

桑白皮

荆芥

黃連

黃蘗

當歸

白芷

赤芍藥

連翹

生地黃

右煎去滓洗淨

麻藥

川烏

草烏

南星

半夏

川椒

右末唾調搽之

本事地黃散

治金瘡止血除疼痛辟風續筋骨生肌肉

地黃

苗

地菘

青蒿

蒼耳

苗

生艾汁

參合

赤芍

各伍兩入水煎取汁

右五月五七月七日午時修合以前藥汁拌石灰

陰乾入黃丹參兩更杵為細末凡有金瘡傷折出

血用藥包封不可動十日瘡不腫不膿

世治金瘡風化石灰菲葉嫩者同搗入鵝血調和

餅乘風陰乾為末傅上

無鵝血亦得

治金瘡血不止用

半夏石灰鬱金三物爲末摻上傷處卽住
崔療金鎗刀斧傷破血以石灰壹升石榴花半斤搗
取末少許捺少時血斷便瘥

百草散 治金瘡

右五月五日平日使四人出四方各於五里內採
一方草木莖葉每種各半把勿令漏脫一事日正
午時細切碓搗并石灰極令爛熟壹石草斷壹斗
石灰先鑿大實中桑樹令可受藥取藥納孔中實
築令堅仍以桑樹皮蔽之用麻油搗石灰極粘密
泥之令不泄氣又以桑皮纏之使堅牢至九月九

日午時取出陰乾百日藥成搗之日曬令乾更搗
絹篩貯放凡一切金瘡出血傷折卽時以藥封裏
治使牢勿令動轉不過十日卽瘥不腫不膿不畏
風若傷後數日始得藥須暖水洗令血出然後傳
此藥大驗平時無事宜多合以備倉卒金瘡之要
無出於此一方云採時不得回頭任意摘取方回
入杵臼內爛搗如泥量藥多少以意入石灰和勻
取出拍成膏日中曝乾遇用旋取搥碎若刀斧傷
乾傳取血止爲度湯火傷冷水調開塗傳蛇蝎犬
鼠咬傷先以溫水洗以津液調傳疥瘡先抓損以

藥末乾貼濕癬以醋調傅其効如神

灰彈散 治刀斧傷血出不止及多年惡瘡

右用多年石灰細研雞子清調成團煨過候冷再研細若刀斧傷摻之患處若多年惡瘡以薑汁調傅一方單用石灰摻患處裏定並瘡

潔古末藥散 刀箭藥止血住痛

定粉

風化灰

枯礬

乳香

沒藥

右件各研為細末同和勻再研摻之
生肌止血立効方 治金瘡辟一切風冷續筋骨

石灰

貳升搗生地黄清蒿汁和作團火煨赤細研

狗頭灰

細研

芎藭

艾葉

地松

蜜陀僧

各半兩

黃丹

壹兩

麒麟竭

叁分細研

右為細末研勻密封之每遇金瘡傅之

丹溪云刀斧傷石灰包之痛止血住

精勝金方治刀斧傷止血生肌蠶蛾散晚蠶蛾為末

摻勻絹帛裹隨手瘡合血止一切金瘡亦治 一法

用生晚蠶蛾石灰二味同搗成餅陰乾為末傅之

死殺傷不透膜者

右用乳香沒藥各壹皂子大研爛以小便半盞好

酒半盞同藥通口服然後用花蕊石散或烏賊魚骨或龍骨為末傅瘡口上立止

殺傷氣偶未絕

右取葱白熟鍋炒熟徧傅傷處頃即再易其痛自止但青葉亦可

本劉寄奴散 治金瘡止疼痛

劉寄奴一味為末散摻金瘡口裏昔宋高祖劉裕微時伐荻見大蛇長數丈射之傷明日復至聞有杵臼聲往覘之見青衣童子數人於臼中搗藥問其故答曰我王為劉寄奴所射合藥傅之帝曰神

何不殺之答曰寄奴王者不灰不可殺帝叱之皆散收藥而去每遇金瘡傅之効寄奴高祖小字也此藥非止治金瘡治湯火瘡大妙經驗方云劉寄奴為末先以糯米漿雞翎掃着傷處後摻藥末在上並不痛亦無痕大凡湯火傷急用鹽水洗之護肉不壞

世治金瘡打撲損傷用葦黃草研細入鹽少許罨之

愈 金瘡血出不止按小薊葉封之 金瘡止血杵

覆盆花苗傅瘡立止

梅師方

本治金瘡血不止無痛用血竭末傅立止

精治惡瘡金瘡刀斧傷見血方以好降真香爲末貼之入水並無傷痕絕妙方見華陀中藏治刀箭傷出血不止并骨折

檳榔 壹箇

木香

胡地黄 各叁錢

右爲末傅瘡口血立止又可接骨

神仙刀箭藥

右取桑葉陰乾爲末乾貼如無旋熨乾爲末傅之一方用新桑葉研取白汁塗之能合金瘡

治刀斧傷磕擦及破傷風浮腫者

右用平胃散以薑汁調傅若急卒只以生薑和皮

爛搗罨患處止痛截血且無疤痕

又方

用海船縫內久年油灰研碎摻之

治刀傷及竹木刺出血

右急以自已小便淋洗三二次立止不妨入水

治金瘡

右以牛蒡葉貼之永不畏風亦不潰膿及搗傅之

麒麟竭散 治刀箭傷筋斷骨止痛定血避風

麒麟竭

白芨 各半兩

黃蘗

蜜陀僧

白芷

白斂

當歸炒

炙甘草各壹兩

右為細末每用少許乾摻瘡上立効

如神散 治一切刀斧所傷血出不止并久患惡瘡

虎骨炙研

鉛丹火煨

龍骨研各半兩

乳香如皂子大另研

膩粉研

丹砂研各壹錢

麝香少許另研

右研極細勻一切瘡以黃連湯或鹽湯洗拭乾摻藥在瘡上不得衣粘着瘡口

金傷散 治金刃箭鏃所傷血出不止及落馬打傷

肉綻血出

白芨

白斂

乳香各壹兩

石灰半斤遠年者佳

龍骨半兩

黃丹少許

右為細末入黃丹研如淡紅色每用乾摻患處上用軟紙更以絹帛裹護忌風水乾痂為妙

定血散 治一切刀傷血出不止收斂瘡口

南星生

槐花炒

鬱金各肆兩

半夏生用貳兩

乳香研

沒藥另研各貳錢半

右為細末研勻每用乾摻患處忌水洗

治金刃或打傷血出不止

降真香末 五倍子末

銅削下鏡面銅於乳鉢內各

研細
等分

右拌勻傳損處昔安豐手擊朱嵩碎首用此而愈
治金瘡傷損血出

右用生牛膽入石灰末候乾摻上即止以臘月牛
膽入風化石灰懸當風處候乾用

五倍散 治金瘡血出不止亦治疔瘡

右以五倍子生研為末乾貼血立止

神奇散 治刀斧傷并箭傷血出不能止者

麒麟竭

沒藥 各研

自然銅 煨

南星 炮

乾薑 燒灰

鉛丹 炒黑

膩粉

瓦蘚 各壹分

麝香 少許

右為細末和勻先以鹽湯洗瘡却以燒葱搗汁塗
然後乾摻瘡上三二次

軍中一捻金散

金櫻葉

嫩苧葉 各貳兩

桑葉 壹兩

右搗爛傳若欲致遠陰乾作末用帛縛上血止口
合名草蝎經進方以五月五日或閉日收藥良

治諸傷瘀血不散

右於五六月收野苧葉搗爛塗金瘡上如瘀血在
腹用順流水搗爛服即通血皆化水以灰豬血試

之可驗秋月恐無葉可早收之

龍骨散 治金刃箭傷生肌長肉定痛止血諸瘡斂

口

龍骨

滑石

枯礬

寒水石

乳香

沒藥

黃丹

炒各半分

輕粉

少許

右為細末每用乾摻外用膏藥貼之効

金傷散 治刀斧傷辟風生肌止痛

白芨

黃丹

陳石灰

風化

桑白皮

各貳兩

龍骨

南星

白附子

各壹兩

右為細末每用乾貼之

完肌散 治金瘡

陳石灰

貳兩

黃丹

半兩

龍骨

蜜陀僧

桑白皮

各肆兩

麝香

壹錢另研

右為細末乾摻患處

生肌膏 治金瘡及一切打損瘡

胡粉

白芍藥

熏陸香

乾薑

炮各壹兩

油

肆兩

黃蠟

貳兩

右為細末以油蠟相和煎如膏用貼瘡上日一換

之

治金瘡生肌肉

右生搗薤白以火封之更以火就炙令熱氣徹瘡中乾卽易之白色者好亦治金瘡中風水腫痛

止血收瘡口方

右以雞內金焙爲末傅之立止

定血散 治刀斧傷止血定痛生肌

蜜陀僧 半斤

烏賊魚骨

龍骨

白礬 枯各 貳兩

桑白皮 壹斤

黃丹 壹兩

右爲細末每用乾摻患處定血如神

松皮散 治金刀箭鏃傷用此生肌

老松皮 壹兩

石灰 貳兩 礦者以瓦盛之上用瓦蓋灰火四畔上下

煉壹夜至 曉研細

右爲細末和勻傅之止血收瘡口立効

藥蛆方 治金瘡內爛生蛆者

右以阜礬飛過乾貼其中卽歿

蒲黃方 治金瘡中風寒水露腫痛入腹

右用蒲黃并舊青布內在小口瓶中燒取煙熏瘡 汁出愈

治金瘡因風水腫

與本行抄 夕禾二

右取蠟不以多少溶化入鹽少許滴在瘡上或先以鹽罨瘡上後熔蠟令熱得所灌瘡中亦可

艾葉方 治金瘡中風掣痛并手足不仁

右用艾葉生熟者令揉團得所內瓦甑中塞諸孔獨留一目以通氣熏蒸患處良久身體自知立愈

瘡大者服藥

仲景金瘡方王不留行散主之

王不留行 八月八日採

蒴藿細葉 七月採

桑根 用白皮根行東南者三月三日採

甘草 各拾分

川椒 叁分除日及閉口者出汗

黃芩

乾薑

芍藥

厚朴 各貳分

右九味桑根皮以上三味燒灰存性勿令過各別研杵篩合治為散服方寸七小瘡即粉之大瘡但服之產後亦可服如風寒桑東南根勿取之前三物皆陰乾百日用

定痛乳香散 治金傷并折骨打撲傷損

乳香

沒藥 各貳錢

敗龜板 壹兩

紫金皮 貳兩

當歸鬚

骨碎補

虎骨 酥炙各半兩

穿山甲 火炮少許

半兩錢 伍箇如無以自然銅火煨醋淬代之

右為細末每服壹錢如病沉服貳錢以好酒調服

夫業房員

三五

損上者食後服損下者食前服

地榆絹煎 治刀刃所傷內損大腸及兩脇肋并腹

肚傷破大便從口中出并中大箭透射傷損腸胃

及治產後傷損小腸并尿囊破小便出無節止此

方神妙餌至一服其藥直至損處補定傷痕隔日

開瘡口看之只有宿舊物出即無新惡物出瘡口

內用長肉散子作燼子引散藥入瘡裏面候長肉

出外其痕即自合

地榆 搗為細末絹薄者

右用清水洗淨絹糊以炭灰淋清汁貳斗煮絹灰

汁盡為度絹以爛熟擘得成片段伍寸至叁寸即

取出壓盡灰汁於清水內洗三五度令去灰力盡

重入鍋內以水貳斗入地榆末煎煮熟爛以手撚

看不作絹片取入砂盆研之如麪糊得所分為二

服用白粳米粥飲調空心服之服了仰卧不得驚

動轉側言語忌一切毒食熟爛黃雌雞白米軟飯

餘物不可食之其餘一服至來日空心亦用粥飲

調服其將養一月內切須慎護如是產後所傷服

壹疋分作四服每服粥飲壹中盞調服日一服

刀傷血不止一味白芍藥散白酒調服即以散摻傷

止血不

處其有血出不止勢難遏者用龍骨乳香等分研末
室患處地魚草搗塞尤妙

廣金瘡血不止痛白芍藥壹兩熬令黃杵細為散酒
後米飲下貳錢並得初三服漸知

當歸散 一名內補散 一名菴蓉散 治金瘡去血多虛竭此藥內
補

當歸 微炒 川芎 乾薑 炮

川椒 去目閉口 炒出汗 桂心 黃芩

桑白皮 吳茱萸 湯浸 焙乾 白芍藥

炙甘草 各半 兩 肉菴蓉 肆兩酒浸一 宿去皮炒乾

